

2006ko bigarren hiruhilekoan, ezkontza zibil gehiago izan ziren aurreko urteko aldi berean baino

2006ko apirilean, maiatzean eta ekainean 2.876 ezkontza kontatu ziren.

2006ko apirilean, maiatzean eta ekainean 2.876 ezkontza kontatu ziren Euskal AEn, aurreko urteko hiruhileko berean baino %6,7 gutxiago, Eustaten datuen arabera. Lurralde historikoka, bizkaitarrek 1.419 ezkontza ospatu zituzten, gipuzkoarrek 978 eta arabarrek 385. Euskal AEz kanpo bizi diren egoiliarren kasuan, ezkontzak 94 izan ziren.

Aurreko hiruhilekoan, ohi bezala, ezkontza gutxi ospatu ziren, baina 2006ko bigarren hiruhileko honetan, berriz, nabarmen igo ziren ospakizunak maiatzean eta ekainean. Beste alde batetik, aldi horretako ezkontzen %49 ezkontza zibilak izan ziren, 2005eko aldi berean baino ehuneko 7 puntu gehiago. Era berean, proportzio hori 2006ko aurreneko hiruhilekoko baino askoz txikiagoa da, aldi hartako ezkontzen %77,5 zibilak izan baitziren.


2006ko bigarren hiruhileko horretako 2.876 ezkontzetan, bizilekua Euskal Autonomia Erkidegoan duten 2.800 gizonezko eta 2.830 emakumezko ezkondu ziren. Horietatik, 2.586 senarrentzat (%92,4), lehen ezkontza izan zen; 13 alargun eta 201 dibortziatu, aldiz, berriro ezkondu ziren. Lehen ezkontza zuten emakumeen ehunekoa eta gizonezkoena antzekoak izan ziren: aurretik ezkongabeak ziren emakumeak 2.629 (%92,9) izan ziren; alargunak, 8; eta dibortziatuak, 193.

Mantendu egin zen gero eta nagusiago ezkontzeko joera

Ezkontideek eztei-egunean zuten adinari erreparatuta, senarren artean, %73,6k 30 urtetik gora zituzten; emazteen artean, berriz, %56,4k. Proportzio horiek 2005eko hiruhileko berean izandakoak baino handiagoak dira (%68,9 eta %49,2 hurrenez hurren) eta beraz, eutsi egin zaio hiruhileko horretan ere, gero eta nagusiago ezkontzeko joerari.

	2006eko 2. hiruhilekoa		Aurreko hiruhilekoa		Aurreko urteko hiruh. bera	
			(2006eko 1. hiruhilekoa)		(2005eko 2. hiruhilekoa)	
	kop.	%	kop.	%	kop.	%
EZKONTZAK	2.876	100,0	1.118	100,0	3.083	100,0
Kanonikoak	1.468	51,0	251	22,5	1.796	58,3
Zibilak	1.408	49,0	867	77,5	1.287	41,7
SENARGAIK	2.800	100,0	1.083	100,0	2.981	100,0
Ezkongabeak	2.586	92,4	957	88,4	2.790	93,6
Alargunak	13	0,5	12	1,1	24	0,8
Dibortziatuak	201	7,2	114	10,5	167	5,6
EMAZTEGAIK	2.830	100,0	1.095	100,0	3.045	100,0
Ezkongabeak	2.629	92,9	964	88,0	2.871	94,3
Alargunak	8	0,3	10	0,9	9	0,3
Dibortziatuak	193	6,8	121	11,1	165	5,4

1. grafikoa: Ezkontzen hilez hileko mugimendua



Iturria: EUSTAT

oinarria 100 = b.b.

Informazio gehiago nahi izanez gero:

Euskal Estatistika-Erakundea / Instituto Vasco de Estadística

Donostia-San Sebastian kalea, 1. 01010 Vitoria-Gasteiz

Tel.: +34-945-01 75 00 Faxe: +34-945-01 75 01 Posta elek.: eustat@eustat.es

Harremanetarako pertsona: Martín González Hernández

Tel.: +34-945-01 75 49 Faxe: +34-945-01 75 01

Prentsa-oharrak Interneten: www.eustat.es

Datu-bankua: www.eustat.es/bancopx/euskara/indice.asp